



Datum: 03.03, 2018. godine

Broj: 03-2/18

Na osnovu člana 89. stav (1), člana 70. stav (1) i člana 64. stav (1) tačka a) Zakona o javnim nabavkama BiH ("Službeni glasnik BiH", broj: 39/14), člana 8. Statuta SERDA d.o.o. Sarajevo – Prečišćeni tekst, te Zapisnika o ocjeni i pregledu ponuda, donosim:

O D L U K U o izboru najpovoljnijeg ponuđača

I

Prihvata se Ponuda ponuđača „PRINTERPAPIR” d.o.o. Sarajevo, br. Ponude: 03-2/18 od 26.02.2018. godine za javnu nabavku usluga – štampanje promo materijala za konferencije, seminare i materijala za sjednice organa Društva, u postupku Konkurentski zahtjev za dostavu ponuda.

II

Ukupna vrijednost Ponude bez PDV-a iznosi 12.803,00 KM, a ukupna vrijednost ponude sa PDV-om iznosi 14.979,51 KM.

III

Sa navedenim Ponuđačem će se zaključiti ugovor o nabavci usluga.

O b r a z l o ž e n j e

Za predmetnu javnu nabavku je 16.02.2018. godine putem sistema „e-nabavke“ objavljeno Objavještenje o nabavci broj: 381-7-2-28-3-4/18.

U skladu sa članom 88. stav 1), članom 55. stav 1 tačka b) Zakona o javnim nabavkama BiH („Sl. glasnik BiH“, broj 39/14), dostavljeni su pozivi za preuzimanje Konkurentskog zahtjeva na adrese ponuđača: SARS d.d., PRINTERPAPIR d.o.o., PINGI d.o.o. i SVJETLOST BH PRINT d.o.o..

Konkurentski zahtjev za dostavu ponuda sa portala www.ejn.gov.ba preuzeo je 21 ponuđač.

U ostavljenom roku do 27.02.2017. godine do 14 sati dostavljene su četiri ponude slijedećih ponuđača: GRAFIČAR d.o.o. Bihać, Planjax Komerc d.o.o. Tešanj, PRINTERPAPIR d.o.o. Sarajevo i KOPIKOMERC s.p. Istočno Sarajevo.

Nakon otvaranja ponuda, pristupilo se analizi dokumenata priloženih uz ponude u smislu provjere validnosti obzirom na iskazane zahtjeve Ugovornog organa u Konkurentskom zahtjevu za dostavu ponuda, odnosno vrednovanju ponuda, a u skladu sa procedurama i pravilima utvrđenim Konkurentskim zahtjevom za dostavu ponuda i Zakonom o javnim nabavkama BiH, odnosno pripadajućim podzakonskim aktima.

Naziv i sjedište svih ponuđača, prema redoslijedu zaprimanja ponuda:



R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	GRAFIČAR d.o.o. Bihać	16.530,00	19.340,10
2.	Planjax Komerc d.o.o. Tešanj	16.138,00	18.881,46
3.	PRINTERPAPIR d.o.o. Sarajevo	12.803,00	14.979,51
4.	KOPIKOMERC s.p. Istočno Sarajevo	36.462,00	42.737,45

Jedna ponuda, ponuđača OFF – SET d.o.o. Tuzla je dostavljena putem brze pošte 27.02.2018. godine u 14:50. S obzirom da je rok za prijem ponuda bio do 14 sati, a javno otvaranje ponuda u 14:15, to je u skladu sa članom 63. stav (1) Zakona o javnim nabavkama BiH („Službeni glasnik BiH“, broj: 39/14) ponuda vraćena ponuđaču neotvorena.

Ponuda ponuđača KOPIKOMERC s.p. Istočno Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačena iz razloga što u ponudi u "Obrascu za ponudu" u Izjavi ponuđača, tačka "3." koja se odnosi na cijenu ponude, nije popunjena kako je zahtjevano u Obrascu.

U Ponudi obrazac "Povjerljive informacije" nije ispunjen, te se ne može saznati da li ima ili nema u ovoj Ponudi povjerljivih informacija.

U ponudama ponuđača: GRAFIČAR d.o.o. Bihać, Planjax Komerc d.o.o. Tešanj i PRINTERPAPIR d.o.o. Sarajevo, dostavljena je dokumentacija za ličnu sposobnost, ekonomsku i profesionalnu sposobnost zahtjevanu Konkurentskim zahtjevom za dostavljanje ponuda broj: JN-56/18.

Rangiranje prihvatljivih ponuda prema kriteriju "najniža cijena" za izbor ponude, izgleda ovako:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	PRINTERPAPIR d.o.o. Sarajevo	12.803,00	14.979,51
2.	Planjax Komerc d.o.o. Tešanj	16.138,00	18.881,46
3.	GRAFIČAR d.o.o. Bihać	16.530,00	19.340,10

Ponuđač PRINTERPAPIR d.o.o. Sarajevo dostavio je, u predmetnom postupku javne nabavke, prihvatljivu ponudu u skladu sa tenderskom dokumentacijom i specifikacijom, u iznosu od 12.803,00 KM bez PDV-a, a 14.979,51 KM sa PDV-om, koja je prema kriteriju za izbor ponude (najniža cijena) ocijenjena najprihvatljivijom ponudom.



S obzirom da je ponuda ponuđača PRINTERPAPIR d.o.o. Sarajevo ocijenjena kao prihvatljiva i sa najnižom cijenom, to je Komisija za nabavku predložila prihvatanje Ponude, te shodno odredbama članova 64. stav (1) tačka b) i 70. Zakona, donošenje odluke o izboru ponude ponuđača PRINTERPAPIR d.o.o. Sarajevo.

Imajući u vidu prednje navedeno, Ugovorni organ je donio Odluku kao u dispozitivu.

Protiv ove Odluke svaki od ponuđača/dobavljača koji nije izabran ima pravo da podnese žalbu u roku od pet dana od dana prijema ove odluke.

Žalba se podnosi Ugovornom organu SERDA d.o.o., u pisanoj formi.

DIREKTOR
dr. Ševkija Okerić

Dostaviti:

- Ponuđačima
- Komisiji za javne nabavke
- a/a